

من كتاب "من حركية الجنون إلى رحاب الناس" (مرورا بالعلاج الجمعي) الفصل الثالث: مرور (مقابلة) محمد (11 من؟)



نشرة "الإنسان" 2021/10/16
السنة الرابعة عشرة - العدد: 5159

بروفيسور يحيى الرخاوي - الطب النفسي، مصر

yehiatrakhawi@hotmail.com

الفصل الثالث مرور (مقابلة) محمد بتاريخ (2008/8/21)

.....

.....

محمد: المهم إنك تسييني قاعد كده قدامك

د. يحيى: إيه؟ يعني إيه؟

محمد: يعني ماتقوليش إمشي، خلييني قاعد كده، أنا باكلمك بجد، والله أنا عاوز أقعد مش عاوز امشي.

*تلاحظ أنه لم يجر حوار من المعتاد أن يسمى علاج نفسي، ورغم كل ذلك فقد بدا أنه تم لقاء مفيد، مما يجعلنا نستنتج أنه قد تم من خلاله - دون تحديد- توصيل معنى ما، وليس بالضرورة رسالة ترييح!، أو نصيحة توجيه ، كما نلاحظ اختلاف هذه المقابلة وتواصل الحوار دون الرجوع إلى إلحاح المقابلة السابقة لذكر أمر بذاته، وقد عبر عن ذلك محمد ببساطة برغبته في إطالة اللقاء دون تحديد سبب لذلك، فتذكر أنه جالس أمام الأطباء المتدربين والمقيمين دون أن يعمل حسابهم، ولا الطبيب بدا في حوار مع المريض أنه يضعهم في اعتباره بشكل معطل، اللهم إلا بتعبيره "أهم بيحاولوا"، وقد يعرج الطبيب أثناء الحوار إلى حضورهم ويكلم أحدهم أو يشير إليه، ثم يستطرد كما في المقطع التالي:

د. يحيى: (لمحمد) ماتخافشى، بس والنبي تتوسط لى عند الدكتور عدلى (2) علشان أخش الجنه علشان انا كل لما باشوفه واشوف بصنّته، باقول يا رب استر

محمد: (إلى الدكتور عدلى) والنبي خلى بالك من الدكتور يحيى

د. يحيى: متشكرين

محمد: طيب، وأنا أعمل إيه

د. يحيى: ما انت معانا هنا وهنا

محمد: هنا وهنا فين؟

د. يحيى: مش مهم، قول يا رب لسه عاوز تقعد؟

محمد: آه عاوز أقعد

أنا في رمضان ما بغيرش
مواعيدي ابدأ إلا مضطرب، أنا
رأيي اللي يغير مواعيدي في
رمضان صياحه مش ولا بد، ربنا
مش حامل رمضان ملغان ننام
طول النهار، دا هروب مش
تحمل

بصراحة: أنا مختار في تصنيفه
هذه اللقاءات تحديدًا، هل
هذا هو ما يسمى العلاج
النفسى، أم أنه متابعة تأهيلية،
أو أنه كما وكتب أخيرا ما
يستحق الوصف الجديد لميناه
كافية "لمشاركة حركية ومعنى
بيشخصى في تشكيل مستوى
ومعنى جديد عند الطرفين؟"

محمد: هاجيلك الجمعة الجاية، انت مابتجيش الخميس فى رمضان مش كده، حاجيلك الإثنين

د. يحيى: لا يا عم أنا ماباجيش الاثنين، خلينا الأربعاء بعد الجروب.

محمد: ماشى، بعد الجروب

د. يحيى: أنا حاقول لك على مواعيد رمضان، أنا فى رمضان مابغيرش مواعيدى ابدأ إلا مضطر، أنا رأيت اللى يغير مواعيده فى رمضان صيامه مش ولا بد، ربنا مش عامل رمضان علشان ننام طول النهار، دا هروب مش تحمّل

محمد: مواعيدنا فى رمضان يوم الأربعاء مش كده

د. يحيى: ما هو أنا حاقولك اهوه، أيوه ميعادنا الأربعاء، بس بنبتدى الجروب الساعة ثمانية ونص مش سبعة ونص، يبقى تخلى معادنا عشرة وربيع ولا عشرة ونص.

محمد: ماشى

*نلاحظ أنه لم يمض بعد طلبه أن تطول الجلسة سوى دقائق محدودة (وربما دقيقة واحدة) ويمكن الانتباه لمعنى وقيمة الوقت فى مثل هذه الحالات وهذه اللقاءات، لأنه ظهر من هذا التصرف أن مجرد إعلان رغبته فى البقاء، والاستجابة لها بالسماح الحقيقى قد أوصلت "رسالة القبول" فتعمقت العلاقة، فاطمأن أكثر قبل انهاء المقابلة مما دعاه أن يعلن أنه ربما يكفى بهذه الدقائق، ثم يطلب المغادرة فور اطمئنانه لذلك (3)

بصراحة: أنا محتار فى تصنيف هذه اللقاءات تحديداً، هل هذا هو ما يسمى العلاج النفسى، أم أنه متابعة تأهيلية، أم أنه كما وصلت أخيراً ما يستحق الوصف الجديد عينات كافية" لمشاركة حركية وعى بينشخصى فى تشكيل مستوى وعى جديد عند الطرفين"؟ فهو "نقد النص البشرى".

لعل اشارتى فى هذه المقابلة عن علاقتى بالحيوانات والتطور، ثم إعلان حساسيتى من استعمال صفة "النفسية" للتبرير والتفسير، ثم كلامى عن وحدتى المقابلة لوحدته وكسرها، ثم دعوتى الضمنية لقبول بعضنا بعضاً فى رحاب عدل الله، لعل فى كل ذلك ما يشير إلى أن وعى الطبيب مهنيا لا ينفصل عن وعيه ذاتياً طالما يخدم نقد النص البشرى على الناحيتين

د. يحيى: انت بتقول إيه يا جدع انت، ماشى إزاي وعشرة ونص إزاي، انت شغلك الساعة كام؟

محمد: أنا مش شغال

د. يحيى: يا نهار مهيب، ايه اللى بتقوله ده، امال ايه اللى جابك؟ إمشى يالهُ رَوْح

محمد: لأه والله باكلملك بجد، أنا ماليش نفس لأى حاجه، نفسيتى كده مش قابله اى حاجه

د. يحيى: أقسم بالله ما أشوفك تانى

محمد: ولا حتى ليا نفس أكل ولا أشرب

د. يحيى: حاترجع تقول لى نفسيتى ومش نفسيتى، عرفت أنا رفضت "محمد نفسية" ليه، أقسم بالله العظيم ما أشوفك تانى

محمد: عاوز أشتغل بس فيه حاجه ما نعانى، نفسيتى مش قابله اى حاجه

د. يحيى: باقول لك إيه: شفت إمتى بتطلع كلمة "نفسيتى"!! "لما تحب تبرر أنك تنام فى الخط.

محمد: والله العظيم عاوز أشتغل بس فيه حاجه منعانى

اشارتى فى هذه المقابلة عن علاقتى بالحيوانات والتطور، ثم إعلان حساسيتى من استعمال صفة "النفسية" للتبرير والتفسير، ثم كلامى عن وحدتى المقابلة لوحدته وكسرها، ثم دعوتى الضمنية لقبول بعضنا بعضاً فى رحاب عدل الله، لعل فى كل ذلك ما يشير إلى أن وعى الطبيب مهنيا لا ينفصل عن وعيه ذاتياً طالما يخدم نقد النص البشرى على الناحيتين

العمل" فى خبرتى، فى حدود ظروفه مجتمعنا، هو محور جوهري

د.يحيى :مفيش حاجه إسمها عاوز ومش عاوز، ما احنا اتقننا، امشى ياله إمشى رَوَح

مُحَد :يعنى أنا غلطت لما قلت لك إني أنا ماباشتغلش

د.يحيى :لأ طبعا، إنت مش حاتكذب عليّا، إنت مابتكذبش علىّ أبداً

مُحَد :ماشى، أنا بقول لك الحقيقة

د.يحيى :ماهو الحقيقه لما تكون زفت، ماتبقاش فل وياسمين بمجرد أنك تقول إنها زفت، انت بتقول الحقيقه عشان تتحمل مسئوليتها، مش عشان تبررها“ بنفسيّتى ومش نفسيّتى”، تقولها عشان نبدأ نغيرها سوا سوا، إذا كانت زفت.

مُحَد :آه والله لما باقعد مع واحد صاحبي بيقول لى كده برضه

د.يحيى :دول باين أصحابك دول عيال جدعان، بيبوك، باقولك إيه...؟

مُحَد :مقاطعاً) خلاص خلاص: هانزل الشغل يوم السبت

د.يحيى :وهاشتغل فى عز رمضان، علشان ربنا يبارك لك، الصنايعيه الخُرعين بيبتلوا فى رمضان

مُحَد :لأه بس على قد ما انا تعبان، برضه رايح اشتغل برضه، الحمد لله

د.يحيى :أهو كده الجدعنه، بكره تشتغل لأن ده أساس العلاج زى ما اتقننا، بس مش ضرورى تطربقها تانى

مُحَد :بصراحة أنا بابقى عامل دماغ وباشتغل وكل حاجه

د.يحيى :يا خبر اسود، إوعى يا واد يا محمّد، تكون بتضرب انت كده حاتبوظ كل حاجه

مُحَد :آه، عارف، بس دى حاجه بسيطه علشان تدينى قوة

د.يحيى :أنا عارف، بس قوة مزيفة وخطر وعمرها قصير، دا انت زى ما تكون بتكزّج حسان فى مطلع، يشد شويه وبعدين يطب واقع قبل مايكمل المطلع، وتقع العربية الكارو اللى كان جاررها فوق دماغه

مُحَد :خلاص خلاص عرفت

د.يحيى :إياك يا محمّد، ولا نُصّ قُرس، خلينا حبايب

مُحَد :حاضر حاضر ما انا عارف، حااول

“ * العمل“ فى خبرتى، فى حدود ظروف مجتمعنا، هو محور جوهرى - كما ذكرنا فى بداية الحالة ودائما - فى خطة العلاج - وبرغم أن عمل محمّد بالصورة التى كان يقوم به (طربقها) كان عاملا مهيناً لما أصابه من حيث أنه كان يتصف بالإنهاك مع التهميش حتى حل محل وجوده كله، إلا أنه لا مفر من عودته إليه دون انتظار، وكثيرا ما يقول المريض“ سوف أعمل حين أشفى” فأصححه بحسم أن العكس هو الصحيح وأنه سوف يُشفى حين يعمل”، وكثيرا ما أوصى كتابة أيضا على الوصفة (الروشته): “يُعمل وهو مريض - يعمل وهو مش قادر - يعمل وهو مش عايز -يعمل وهو بيموت”، وعادة ما يلتقط المريض ما أعنى، ويعمل بهدف الاسهام فى إنجاح خطة العلاج، فى حين يعتبر الكثيرون من الأهالى أن ذلك هو نوع من القسوة بشكل أو بآخر.

أما بالنسبة لهذه الأقراص (الترامادول كما ذكر محمّد قبلا) وهى بجرعة صغيرة أو متوسطة تعتبر منشطة فعلا وتساعد هؤلاء العمال المكافحين على مواصلة العمل وأحيانا على تطبيق ورديتين متواصلتين، فإن خطرها يزداد ويتضاعف بعد مثل هذه الكسرة الذهانية، ويصبح التوقف عنها توقفا

كثيرا ما يقول المريض ” سوف
أعمل حين أشفى“ فأصححه
بحسم أن العكس هو الصحيح
وأنه سوف يُشفى حين يعمل

كثيرا ما أوصى كتابة أيضا
على الوصفة (الروشته): “يُعمل
وهو مريض - يعمل وهو مش
قادر - يعمل وهو مش عايز -
يعمل وهو بيموت”، وعادة ما
يلتقط المريض ما أعنى

يعمل بهدف الاسهام فى إنجاح
خطة العلاج، فى حين يعتبر
الكثيرون من الأهالى أن ذلك
هو نوع من القسوة بشكل أو
بآخر

نهائيا شرطا حاسما لا استثناء فيه لاستكمال العلاج، وتساعد مثل هذه العلاقة المتنامية بين الطبيب والمريض على الاستجابة لضغط الطبيب هكذا.

د. يحيى: مافيش حاجة اسمها حا حاول، المسألة دي بقي ما فيهاش حا حاول، خلينى أقدر أكمل معاك

محمد: لأه فهمنى علشان أبقي فاهم، فهمنى

د. يحيى: انت عارف أنا مابافهمش، أنا باساعدك إنك تفهم، روح ياواد إشتغل وإياك زى ما قلت لك، يالاً مع السلامة، أنا متشكر، كل سنة وإنت طيب، وعُد راجل لراجل، تشتغل وبلاش الهباب ده

محمد: خلاص ماشى

د. يحيى: ياللا مع السلامه كتر ألف خيرك مع السلامه

محمد: السلام عليكم

د. يحيى: وعليكم السلام ورحمة الله

*نلاحظ تكرار شكر الطبيب للمريض وهو ما أشرنا إلى دلالاته سابقا، لكن الشكر هنا له دور آخر لأنه يتوجه بشكل ما إلى الشكر على ما سوف يحدث، وليس فقط على ما حدث، بمعنى الشكر على أنه سوف يعمل، وسوف يكف عن أخذ هذه الأقراص المنشطة، ثم على بقية ما يجاهد لنواصل "سوا سوا"!!، وهذا دعم لما سيكون، فضلا عن ما فيه من تحقيق فرض أن المستقبل "يحدث الآن!"

بعض مقتطفات من الشرح للحاضرين بعد انصراف محمد

د. يحيى: آه يانا يابا، طيب إنتوا شوفتوا العلاقة مع عيان شيزوفرينا وبارانويد!! هؤا ده اللى بتقروه فى الكتب؟ أديكو شوفتوه وهؤا داخل على عثمان رغم اللى حصل المرة اللى فانت، وشوفتوه قبل كده خلال الجروب، وشوفتوا إبراهيم اللى كان متشخص تقريبا فصام بسيط وفجأه راح مخترع كلمة "محمد دلوقتى" عشان تصدقوا إننا مابنعرفش معنى كلمة فصام (شيزوفرينيا) اللى بنستعملها على العمال على البطال، طبعا مش كل حالة فصام حاتبقى كده، وما تتسون إن المقابلة دي بعد شهر من إنتهاء الجروب اللى حضور محمد فيه كان منتظم بنسبة كبيرة

(يدخل محمد الغرفة ثانية فجأة دون استئذان، ولا يرفض د. يحيى ذلك قائلا)

د. يحيى: أيوه يا محمد

محمد: انت جاى الأربع اللى جاى أكيد؟

د. يحيى: أيوه جاى طبعا بس على شرط

محمد: أيوه عارفه

د. يحيى: إيه؟

محمد: أشتغل

(ينصرف محمد ويعاود د. يحيى للشرح)

أنا عندي أربع خمس كلمات، معلى أنا حاكرهم، أصل ما عنديش غيرهم، بلاقى فيهم نظريه باكملها، وساعات التكنيك بأكملاه.

أولاً: انتو لاحظتو لما قال إنه "مش قادر يتجنن"، هؤا اللى قال، أنا ماغششتعوش.

ثانياً: وإنه مش نافع يرجع محمد طريقها لأنها سكة وفشلت بعد ما كسرهما الجنون، وبعدين الجنون

بعد ما فشل الجنون وهؤه رفضه معانا، رجع يتلكك فى حكاية "النفسية" وما "النفسية"، هو جى النهارده يدور على تفسير نفسه للى هؤا فيه

إن الحل يبدأ من همد دلوقتى من غير ما نستعجل، همد دلوقتى، وما فيش غير كده، وبرضه ما فيش إلا ربنا هنا ودلوقتى، وهى نفس الوقتى هى كل حنة نعرفها وما نعرفهاش

أنا منتمى للحركة، مش للمحتوى، الشغل حركة، ولما المريض بيشتغل باقول له متشكر، كل الفرق هو إنه كان بيشتغل سخرة على حساب كل حقوقه ووجوده، ودلوقتى

عايزينه يشتغل ويوجه عائد
الطاقة بتاعته لنفسه ولربنا
واحنا معاه وهو بينجز

راخر ما عدشى نافع بعد ما سلطنا النور على تركيبته كلها، ووصله إنه ما عادش نافع فعلا، يبقى مافيش
غير إتنا نكمل، بس خلوا بالكم ما حدش يضمن أى نكسة فى أى وقت لأنه ممكن الظروف تكبس عليه،
يطفى النور وهات يا لخبطة.

ثالثاً : بعد ما فشل الجنون وهوه رفضه معانا، رجع يتلكك فى حكاية ”النفسية“ وما ”النفسية“، هو
جى النهارده يدور على تفسير نفسى للى هو فيه، هوا جئ مبسوط إنه لقي اسم غير الأسمى اللى كنا
بنشتغل فيها (طريقها/ فركشنى/ دلوقتى/ طريقها الجديد. محمد الصغير) هُتُ راح جئ وقايل اسم عمرنا ما
استعملناه فى الجروب، ليه؟ لأنه عاوز شماعه لحد ما يرجع فى كلامه، شماعة تسمح له إنه يكرر على
العمال على البطال: ”أنا مريض نفسى“، ”أنا مريض نفسى“، وهات يا تبطيل شغل، وهات يا شكاوى
وتفسير ولت وعجن، وده بيشاور على قد إيه الإعلام والاستسهال الطبى جعل ما هو ”نفسية“ له هذه
الوظيفة السلبية.

رابعاً : أديكو شفتو إيه علاقة محمد دلوقتى برينا، دى علاقة بتشاور على إن الحل يبدأ من محمد دلوقتى
من غير ما نستعجل، محمد دلوقتى، ومافيش غير كده، وبرضه ما فيش إلا ربنا هنا ودلوقتى، وفى نفس
الوقت فى كل حنة نعرفها وما نعرفهاش، هُتُ يبقى لقينا حماية ومظلة دائمة وممتدة، حتى لو العلاقة
هوت أو سرقنا الكلام، فاحنا لو عرفنا نحافظ على وصلة الوعى شغالة ما بيبدأ بجد هنا ودلوقتى، وممتدة
وينشطها كل شوية: حاتفكرنا بالوعى الأشمل، وهات يا رحمة ومشاركة وربنا.

د. ساندرا: مش فاهمة؟

د. يحيى: بصراحة أنا منتمى للحركة، مش للمحتوى، الشغل حركة، ولما المريض بيشتغل باقول له
متشكر، كل الفرق هو إنه كان بيشتغل سُخرة على حساب كل حقوقه ووجوده، ودلوقتى عايزينه يشتغل
ويوجه عائد الطاقة بتاعته لنفسه ولربنا واحنا معاه وهو بينجز، عايزه يا ساندرا تعرفى العلاقة بتعمل إيه
لما تقارنى صورته المرة ديه باللى قبل كده، دى علاقة فيها رؤية ومشاركة وربنا، إنتى لما تقولى لواحد
ذاكر أو اشتغل لك ولربنا، غير لما تقولى له إشتغل ليّا، زى الأهل ما بيعملوا عمال على بطال فى
عيالهم اللى بيذاكرو لهم، البنى آدم موجود علشان يشتغل ويأخذ ويدي، هايقعد ويقول ”نفسية“ و”مش
نفسية“ و”محمد نفسية“: مش حاينفع عشان كده رحمت مقاطعُه من الأول، ورفضت محمد نفسية من أصله
عشان خايف من الشماعة والتبرير، ومع ذلك العلاقة بقت أمتن وممتدة زى ما انتو شايقين.

د. ساندرا: طب مش نراجع التشخيص أحسن؟

د. يحيى: نراجعه نعمل بيه إيه؟ هو اللى إنتوا شايقينه ده بارانويد وشيزوفرنيا برضه، فيه حد فيكم
مصدق نفسه وهو بيحط اليقظ دى، ومع ذلك انا متأكد إن أغلبكم حاينسى احتياجه للتشخيص لو تعمق
فى اللى جارى، مش معنى كده إن احنا مانشخصى، لأ طبعا عشان الدوا والأوراق والملفات والكلام ده،
أنا باقول الكلام ده وعارف انكم حانتسوه.

د. عدلى: ربنا يقدرنا

د. يحيى: ولا يهكم خبرتى بتقول إنكم حانتسوه حانتسوه، يمكن إلا حته، وأنا أتعلمت إن الحنة دى
يمكن تكون كفاية، أنا باتكلم بجد فأنا علشان أنا مصاحب المخ البشرى وباحاول أصحاب مستويات
الوعى كلها، بابقى راضى والحمد لله بأى حته تفضل، بس إزاي يعنى، أنا باستغرب إزاي بنى آدم ربنا
خلقه، يلغى الكلام ده اللى هو شافه بعينه واتسجل فى مخه عيني عينك، عاوز أعرف حاننسى مين فيهم :
”محمد طريقها “ولا” محمد فركشنى“، ولا” محمد دلوقتى“، وهُتُ يطلع لنا” محمد نفسيه “ونرفضه، إنتوا شايقين
الخطوات والشغل وشوية دوا وعلاقه لافيهما ”أبوك كان قائد طبيه“ ولا ”عمنا أدويب“ ولا ”الست
إليكترا“، مش معنى كده نهمل تاريخه وهو ملان باللى خلاه ينكسر، بس التفرغ والفضفضة عمال
على بطال لوحدهم مش حايعملوا حاجة، التاريخ بتاعه احنا عرفناه من الأول، عندكم البت اللى كان

إنتى لما تقولى لواحد ذاكر
أو اشتغل لك ولربنا، غير لما
تقولى له إشتغل ليّا، زى الأهل
ما بيعملوا عمال على بطال فى
عيالهم اللى بيذاكرو لهم

خبرتى بتقول إنكم حانتسوه
حانتسوه، يمكن إلا حته، وأنا
أتعلم إن الحنة دى يمكن
تكون كفاية

أنا مصاحب المخ البشرى
وباحاول أصحاب مستويات
الوعى كلها، بابقى راضى

خاطبها، وبعدين خبرته فى الجيش، وأنا لحد دلوقتى مش عارف هيا كانت خبرة حقيقية ولا من المرض بس ما وقفناش عندها، ومع ذلك أهوه قدامكوا أهوه، قدرنا نبتدى من جديد وربنا يسهل، أعمل إيه؟ أنسى أنا كمان وأقول ده بيتهيالى وما حصلشى؟ طب إزاي اثبته للناس؟ إزاي أوصله للخواجات بتوع الدواء علشان يبطلوا يذلونا، إزاي أبلغهم إننا بنستعمل أدويتهم على العين والرأس، كتر خيرهم، بس بنستعملها بشكل تانى، لأعراض تانية، إننا نساعد المخ المناسب إنه بينى نفسه زى ما ربنا علمه، وإنه ينظم الباقي؟ إزاي حايدقوا الكلام ده، أدبنى باسجله واللى عايز يمكن حيلاقى كل حاجة متسجلة، بس أنا شاكك بعدى حايجصل إيه عموما، أنا ناوى آخذها معايا فى الترية إن شاء الله، ويمكن أسيب لكم نسخة عشان ربنا يحاسبكم.

شكرا

(ضحك)

(ثم نكمل عدًا) بتقديم الفصل الرابع: "المقابلة: بتاريخ: 2008/8/28)
(بعد مرور أسبوع من المقابلة الماضية)

- [1] يحيى الرخاوى "من حركية الجنون إلى رحاب الناس .. (مرور بالعلاج الجمعى) " منشورات جمعية الطب النفسى التطورى (2019)
- [2] د. عدلى الشيخ هو طبيب مقيم، مسيحي، تصادف أن جده واسمه أ. د. عدلى الشيخ أيضا كان استاذى للأمراض الباطنة أثناء دراستى فى كلية الطب، وكان استاذًا متميزًا وكنت أحبه وخاصة حين يحضر متطوعًا الساعة 7 صباحًا يعلمنا المزيد من الأمراض الباطنة دون مقابل، ويبدو أنه قد بدأت علاقتى مع حفيده المسمى باسمه من خلال هذه الذكرى، وجاءت مداعبتى له مع مُجْد مثالا آخر لعروجى إلى مواضع غير تقليدية بها جرعة شخصية زائدة.
- [3] ويمكن مقارنة طريقة إنهاء اللقاء فى الجلسة السابقة قبل أسبوع (نشرة الإنسان والتطور بتاريخ: 10-10-2021 www.rakhawy.net)

إرتباط لحامل النص مع المقطع:

<http://www.arabpsynet.com/Rakhawy/RakD161021.pdf>

إرتباط لحامل النص:

<https://rakhawy.net/%d9%85%d9%86-%d9%83%d8%aa%d8%a7%d8%a8-%d9%85%d9%86-%d8%ad%d8%b1%d9%83%d9%8a%d8%a9-%d8%a7%d9%84%d8%ac%d9%86%d9%88%d9%86-%d8%a5%d9%84%d9%89-%d8%b1%d8%ad%d8%a7%d8%a8-%d8%a7%d9%84%d9%86%d8%a7-6/>

شبكة العلوم النفسية العربية

نحو تعاون عربي رقبيا بعلوم وطب النفس

الموقع العلمى

<http://www.arabpsynet.com/>

المتجر الإلكتروني

<http://www.arabpsyfound.com>

الكتاب السنوي 2021 " شبكة العلوم النفسية العربية " (الصدار العاشر)

الشبكة تدخل عامها 21 من التأسيس و 19 على الوجود

21 عاما من الضحى... 19 عاما من الإنجازات

<http://www.arabpsynet.com/Documents/eBArabpsynet.pdf>

إننا نساعد المخ المناسب إنه بينى نفسه زى ما ربنا علمه، وإنه ينظم الباقي؟ إزاي حايدقوا الكلام ده، أدبنى باسجله واللى عايز يمكن حيلاقى كل حاجة متسجلة، بس أنا شاكك بعدى حايجصل إيه عموما